

籌辦夷務始末

籌辦夷務始末卷之八十

咸豐十一年辛酉六月己未

欽命總理各國事務恭親王大學士桂良戶部左侍郎文祥奏竊
臣等前因布國私自遣人進京當經照會艾林波令其速
即遣回嗣艾林波遞臣奕訢照會分晰遣人進京之事其
詞意間不過自飾其非惟收尾有僅中國設法相難惟有
按人理相求之語亦仍有奚落不平之意臣等習聞外國
人向以彼此和順為天理兩國打仗為人理當即函致崇
綸等令其向艾林波嚴詰並告以所遞臣奕訢照會無禮
應置之不理旋據覆稱艾林波亦遞崇綸照會為駐京一

節。哢哢置辯。詞句亦多不馴。已向通事馬吉士。將照會內
不馴之語。逐層指出。並將人理二字點破詰問。該通事悚
然謝罪。求將遞崇綸等照會。帶回改正。並云另行補遞。臣
奕訢照會等語。茲於二十九日。崇綸等函稱。艾林波將遞
崇綸照會更正送回。並補遞臣奕訢照會一件。臣等查更
正之照會。已將不馴之語刪去。其補遞之照會。將按人理
相求字句。改為儻不獲願。惟有言旋等語。是其字句已無
桀驁情形。惟駐京一節。仍執五年為期。並聲明章程交換。
尚須一年。自交換之日算起。共計六年等語。臣等查布路
斯國。派艾林波前來天津。原係效尤嘆唏等國。希圖駐京。

以誇耀於鄰封。臣等前曾疊次函致崇綸等。令其竭力圖維。將駐京一節抹去。無如臣等之力爭者在此。而艾林波之所固請者亦在此。是以崇綸等與之相持。兩月有餘。迄無定議。然寬嚴互用之間。已屬唇焦舌敝。不得已限以十年。而艾林波仍執定五年。其時欲許之。則恐啟其輕視之心。不許。則又恐其另生枝節。正在辦理棘手之時。適值該國私自遣人進京。經臣等飭令喚回。其照會內語多不遜。又經崇綸等面責其非。原以撫馭外洋。不能不剛柔並用。借以先消其桀驁之氣。然後再相機轉圜。乃艾林波既遣通事馬吉吉。向崇綸等謝罪。並欲索回前次照會更改。旋

遞臣照會。聲明五年後派人進京。而遞崇綸等照會。並言以議定章程計之。約過六年。且有五年後軍務已可平安。方派人進京等語。臣等詳加察閱。詞句馴順。與前次照會迥不相同。是艾林波已無驕矜之氣。若不趁此機會。從權允許。恐外國性情叵測。設或決然舍去。約同公會等國。為鋌而走險之謀。恐將來格外要求。又有甚於此者。彼時再允駐京。轉覺形同挾制。此亦事之不可不慮者也。況暎唏俄味四國。雖均與中國換約和好。外面似有幫同禦侮之情。但布國乃彼族類。且與暎俄二國。均有戚誼。難保不坐觀成敗。表裏為奸。設布國恃強。勞我

天討。以中國現在時勢。實未暇與彼族爭鋒。而變逆方張。又安知不從中勾串。疊據崇綸等函稱。十年之說。雖竭盡心力與之辯論。而艾林波既恐無駐京一節。為嘆唏所笑。又恐年限過遠。為鄰封所恥。是以執定前說。牢不可破。若再與之相持。恐生他事。臣等審時度勢。再四躊躇。與其挽回於決裂之後。不如羈縻於啟戰之先。是以公同熟商。擬令崇綸等再為開導。若能於章程交換後。過六年再辦。則連未換之日計之。共是七年。如實不得已。則只可許其互換後過五年再辦。蓋彼既以禮相求。似亦不值為此一二年。徒多爭論。致生枝節。且公會等二十八國。前據艾林波照會。不

過附入通商而已。所駐京者。惟布路斯一國。似尚不致漫
無限制。惟臣等原議本欲限以十年。今則僅能限以五年。
於臣等初意殊覺未愜。惟時勢至此。不得不暫從權宜。如
蒙

俞允。再由臣等飭知崇綸等。速即定議。

諭軍機大臣等。恭親王奕訢等奏。接收布路斯國照會。擬即酌定
章程。並鈔錄照會呈覽一摺。艾林波投遞照會。語多不馴。一經
崇綸等駁詰。即知謝罪。並更改照會。惟駐京一節。仍執五年為
期。此時祇可從權允許。以示羈縻。所有該國派員駐京一節。著
奕訢等即傳諭崇綸等。再為開導。若能於章程交換後。過六年

再辦。為期自覺較寬。僕艾林波執意懇求。即准其於互換後。過五年再辦。仍俟崇綸等與艾林波將一切章程議定。由奕訢等具奏後。再行明降諭旨。

辛酉。

欽命總理各國事務恭親王。大學士桂良。戶部左侍郎文祥奏。竊臣等於五月二十九日。接准軍機大臣字寄。五月二十七日奉

上諭。本日據色克通額等奏。俄商欲在庫倫常川貿易等因。欽此。並由軍機處鈔錄色克通額等清字摺片。仰見

訓示周詳。莫名欽佩。伏查上年俄國續定條約第五條內載。俄國

商人除在恰克圖貿易外。其由恰克圖照舊到京。經過之庫倫張家口地方。如有零星貨物。亦准行銷。庫倫准設領事官一員。酌帶數人。自行蓋房一所。在彼照料等語。緣其時俄國送來原條約。本有張家口設官。並北京張家口齊齊哈爾。蓋房建聖堂墳地木廠通商等語。經瑞常等再三開導。始將北京張家口齊齊哈爾通商等詞刪去。祇准在於喀什噶爾庫倫設官通商。彼時噶喇巴之兵未退。而俄國公使。以噶喇巴換約。據為己功。設該國條約。遲延不定。恐致句結。噶喇巴為患。是以臣等上年九月間。原奏內。聲明雖未能盡行愜心。不得不委曲允從之故。是祇准庫倫通商。已

覺大費唇舌。條約內雖僅載售銷零星貨物。並未明言常川通商。然准其設立領事官。蓋房一所。則與伊犁。塔爾巴哈台事同一律。即係准其設立行棧。常川貿易之意。今於事後。若執售銷零星貨物一語。即謂其與條約不符。恐該國未肯心服。若按照條約。祇准在庫倫酌帶數人。蓋房一所。自不至大有關礙。色克通額等所稱阻止後。該使即已詞窮。恐日後俄人再執一字一句。任意狡展。轉生枝節。似不如准其常川貿易。免滋口舌。至則訥斐赤文稱該國使臣往來。條約內並無派員照看。且驛站兵亦有苦累。請嗣後該使臣行走。無庸派員照看等語。臣等查從前奏定章

程。派員更換照看。非獨防其任意妄行。且以示懷柔遠人
之意。自未便因刻訥斐赤所請。遽易舊章。臣等擬即行知
色克通額等。仍照向章。派員照看。以符定制。再接據伊格
那提業幅照覆一件。係按准臣等照會。以彈春河南北兩
岸。有中國駐防旗人居住。並有協領衙署。應仍歸中國人
居住。不得於未會勘之前。先行占踞。既據該使臣文稱。據
示該國人。俟兩國定界完竣。不准先行占踞等語。已由臣
等行知成琦等。斟酌辦理。又額爾薩額夫咨呈一件。係辦
論俄商照舊到京貿易。現已經臣等奏明。飭令暫赴天津
售銷。不令進京。該俄商現已遵照辦理。惟日後應如何辦

理。俟該公使巴里玉色克。有無照會前來。再行隨時具奏。
諭軍機大臣等。恭親王奕訢等奏。遵議俄國在庫倫通商事宜一
摺。俄商欲在庫倫常川貿易。據奕訢等奏稱。續定條約所載零
星貨物。亦准行銷。雖未明言常川通商。然既准其設官蓋房。即
與伊犁。塔爾巴哈台。事同一律。自係准其設立行棧。常川貿易
之意。若執售銷零星貨物一語。即謂與條約不符。恐該國未肯
心服。著奕訢等。即行知色克通額等。准其常川通商。但須按照
條約。祇准在庫倫酌帶數人。蓋房一所。不得另生枝節。方為妥
善。至該國使臣。赴恰克圖及進京。查照向章。俾派員更換照看。
未便遽行更改。並著行知色克通額等。令其照舊章派員照看。

以符定制。彈春河南北兩岸。據伊格那提業幅照覆。已豫示該國人。不准先行占踞。本日據成琦等奏。會辦分界事宜。現已作記畫押鈐印。一律完竣。已諭令成琦等。將記文牌文。咨行總理各國事務衙門存案矣。成琦等原摺。併鈔給閱看。

恭親王等又奏。臣等前據伊格那提業幅照會內稱。該國現派巴里玉色克。來京居住等語。當即知照庫倫等處。沿途照料。並豫先飭令京城營汛各員。屆時妥為彈壓。茲據該營弁稟稱。已使於初一日進安定門。帶來人數共十餘名。內有婦女二名。行李騾馱二十二箇。已安靜到館等語。此後該公使如有商辦事件。臣等仍當知會瑞常等。與之

辯論。以免歧異。

硃批。知道了。

欽差倉場侍郎成琦。吉林將軍景瀟奏。竊勢與俄國公使。會齊商辦。將辦理情形。於十五暨十七日。先後具摺奏報在案。茲於十五日定議以後。照依和約。將應辦事宜。逐件會商。作記繪圖。畫押鈐印。據該公使言。全地圖祇有一張。現趕畫不及。按所分界址。另繪簡明小圖二張。外備用二張。繕寫如式。並用上年進

呈地圖。共成六張之數。其和約內載作記一節。等語。當擬稿底。與該公使面商。該公使堅不肯用。必欲由伊撰擬。無如

該公使等。又義既不通順。意思尤多詭詐。等恐其豫留
日後狡執地步。督飭司員章京等。往返駁詰。幾至舌敝唇
焦。始將其語句支離處。逐細刪去。等詳加閱看。雖鄙俚
重複。與界址方向。尚無窒礙。祇得照依謄寫。並地圖一齊
畫押鈐印。彼此互換。應立界牌處所。由烏蘇哩河口至圖
們江口。共該八處。其牌文一面書寫漢字。一面書寫俄羅
斯字。所稱土爾必拉。即白稜河口。先行豎立界牌。其餘各
處。由兩國派員。按照地圖界綫。標識豎立。其無含混各等
語。等等悉心商榷。所言尚無不合。當即督同司員章京等
將所繪各圖。詳細覈對。經該公使用紅色界畫分明。並約

定於二十一日。至該公使駐紮處所。將記文地圖。書寫等
等。及該公使官銜姓名。公同畫押鈐印。照依和約。互換收
存。永遠勿替。並經等刻切曉諭。此次許分疆界。於該國
極為有益。允宜感戴。

皇上恩德。恪守和約。不可縱容兵民。私行越界。方不負我。

皇上嘉惠遠人之至意。該公使等俯首稱謝。摘帽為敬。頗知感
激。查該公使來意。原欲藉白梭河之訛。為侵占穆楞河地
步。緣穆楞河。逼近甯古塔。為通三姓琿春之要路。是以等
等反覆力爭。該公使知事難達就。始強指奎屯必拉之分
支小河。稱為土爾必拉。即白梭河。等等察其部位。係在穆

楞河東南。河流入興凱湖。其流入楞楞河之各支河。仍屬中國。將來添防設卡。尚屬有險可扼。除趕緊將已分界址。摘畫地圖。鈔錄牌文。分咨三姓副都統。及甯古塔副都統。轉飭彈春協領。按照方向。設立界牌外。所有等會辦分界事宜。現已一律完竣。並該俄使所撰記文。及等所擬牌文原底。恭呈

御覽。再前於四月二十三日。恭奉十年十一月十九日

上諭一道。並承准軍機大臣字寄。奉

上諭。該國公使索看。即行宣示。如並未問及。即毋庸給予閱看等因。欽此。此次該國通事。雖經提及。等。等。諭以和約未載。當

用

欽差字樣。伊已遵照辦理。所有原奉

諭旨。理合恭繳。至記文地圖。俟努成琦差旋。齎送軍機處備查。其設防各事。應俟努景瀉。督同三姓甯古塔副都統。應如何添設卡倫。撥兵偵探。俾使聲勢聯絡。妥議章程。續行奏報。努等於拜摺後。即率同司員章京等。束裝起程。

諭軍機大臣等。成琦景瀉奏。會辦俄國分界事宜。一律完竣。并將記文牌文。鈔錄呈覽一摺。成琦等與俄使定議後。照依和約。將應辦事宜。逐件會商。作記繪圖。畫押鈐印。彼此互換。其立界牌處所。由烏蘇哩河口。至圖們江口。共該八處。著即將已分界址。

摘畫地圖。鈔錄牌文。分咨三姓甯古塔各該副都統。轉飭琿春協領。按照方向。設立界牌。俾永遠遵守。該使本欲藉白稜河之訛。為侵占穆楞河地步。逼近甯古塔。為通三姓琿春要路。經成琦等力爭。始強指奎屯必拉之分支小河。稱為土爾必拉。即白稜河。所有俄字記文。其中恐有含混。為將來狡賴地步。著成琦等將記文及界牌。一併咨送總理各國事務衙門。存案備查。該侍郎等隨帶司員章京等。始終勤奮。著准其分別覈實請獎。

界牌

此次會同查勘分界。原為兩國和好。今地界既經議定。自應按照上年續定條約。設立界牌。以清界綫。東界定為由

什勒喀額爾古納兩河會處。卽順黑龍江下流。至烏蘇哩河會處。其北邊地。屬俄囉斯國。其南邊地。至烏蘇哩河口。所有地方。屬中國。自烏蘇哩河口。南至圖們江口。其東。皆屬俄囉斯國。其西。皆屬中國。上所言。乃空曠之地。還有中國人住之處。及中國人所占漁獵之地。俄國均不得占。仍准中國人照常漁獵。從立界牌之後。永無更改。並不侵占附近及他處之地。所有東邊界內。原住之中國人民。其向來謀生。出入行走之路。應聽其便。俄國人不得攔阻。為此特立界牌。永遠遵守。兩國人民咸各知之。勿違。

大清國

欽差總督倉場戶部侍郎成琦。

欽命吉林將軍景瀉。

大俄羅斯國欽差三品阿得密拉克沿海各處管兵事務
巡撫有大功大臣正耶帖爾喀薩克倭以知。欽差東悉畢
爾地方管兵事務參領有功大員空似堂廷步多國似該。
一千八百六十一年伊云月十六日。即咸豐十一年五月
二十一日。

大俄羅斯國欽差全權信任大臣。

大清國

欽差大臣會齊在俄文土爾必拉即白稜河口地方。兩國之大臣

會同畫押用印。在交界之圖上。書寫俄囉斯字。及滿洲字。二分。其二圖。補入上年在京續定和約條內。並四分圖。與記文交界道路記文。自烏蘇哩河至圖們江口。此四分圖內。書寫俄囉斯字二分。書寫漢字二分。其圖四分。亦補入上年在京續定和約條內。此六分圖。彼此相對。兩國大臣。全行知悉相符。

大俄囉斯國欽差大臣。持書寫俄囉斯字及滿洲字地圖一分。

大清國

欽差大臣持書寫俄囉斯字及滿洲字地圖一分。彼此互換。用印。

畫押。又互換漢字俄囉斯字交界地圖四分。彼此換給之後。將圖四分。記文二分。交界道路記文二分。俱行鈐印畫押。將此記文道路記文。補入上年續定和約條內。永遠遵行。勿替。

大清國與俄囉斯國。詳細按著去年諾雅布爾月初二日所定和約第一條第三條內之記文。和約之第一條內云。自烏蘇哩河口而南。上至興凱湖。兩國以烏蘇哩及松阿察二河。原係舊有之河。作為交界。其二河東之地。屬俄囉斯國。二河西之地。屬中國。自松阿察河源兩國交界。踰興凱湖。直至白稜河。照圖上所畫紅色。所寫俄字字頭。作為交界。

即在烏蘇哩河口西立界牌一箇。牌上寫俄國耶字頭。並寫上界牌漢文。及松阿察河源西岸旱路上。設立界牌一箇。牌上寫俄國亦字頭。並寫上界牌漢文。照依和約。自白梭河口。順山嶺至瑚布圖河口。自白梭河源。順小漫岡。水向東流入興凱湖者。係俄國界。水向西流入穆楞河者。係中國界。至橫山會處。水向北流入興凱湖。及毛河源。水向南分流入綏芬河。自橫山會處。直至綏芬河。與瑚布圖河口會處。自白梭河口。至瑚布圖河口。應立界牌。白梭河口北。立界牌一箇。牌上寫俄國喀字頭。並寫上界牌漢文。小漫岡上向西北立界牌一箇。牌上寫俄國拉字頭。並寫

上界牌漢文。橫山會處立界牌一箇。牌上寫俄國那字頭。並寫上界牌漢文。再由瑚布圖河口。順琿春河。及海中間之嶺。至圖們江口。其東皆屬俄羅斯國。其西皆屬中國。兩國交界圖內。紅色處。與圖們江會處。及該江口。相距不過二十里。自瑚布圖河口往上。至瑚布圖河之源。即順山嶺。照依和約。在瑚布圖河口西邊。立界牌一箇。牌上寫俄國倭字頭。並寫上界牌漢文。對瑚布圖河源山頂上。立界牌一箇。牌上寫俄國怕字頭。並寫上界牌漢文。圖們江左邊。距海不過二十里。立界牌一箇。牌上寫俄國土字頭。並寫上界牌漢文。俱按照圖上紅色為界。因此兩國地界。現經

分清。為此特記。

成琦等又奏。查此次所來之俄使及通事等。即係烏蘇哩河口舊居之俄酋。滿漢文字。俱不甚通曉。語言亦不甚明晰。上年都門所換和約。尤未能透徹。而事事翻異。狡詐多端。窺其來意。彼由烏蘇哩河前來。一水可通。且火輪船轉運糧食。接濟甚易。又已搭蓋房屋。意在久住。而所來者不過數十人。往來聲息相通。不難隨時增減。等等跋涉遠來。備歷艱險。自甯古塔至興凱湖。雖只五百餘里。而山河險阻。曠野居多。努成琦及隨員等。跟役人夫。已有六十餘人。努景瀉攜印達出。凡一切公事。均需在行營辦理。上下不

下數百人台站馳遞。日不暇給。且逼近山林。時有虎狼出沒。兼帶兵百名。以為防衛。馱夫人等。此間既無從雇覓。不能不令其隨營等候。每日上下。雖計口授食。已覺需用浩繁。且距運糧之所。遠隔山河數十道。天氣晴和。即日行榛莽泥淖之中。陰雨漲發。馱馬即不能過渡。沿路又無屯積處所。若遇陰雨連綿。必有絕糧之慮。等外示鎮定。誠恐該酋窺破虛實。必致故生枝節。挾制要求。是以連日令司員章京等。往來籌議。等每與見面。亦惟有堅執和約地圖。與之辯駁。查該使外面催促。故作迫不及待之狀。而暗中向西北一路。分頭查探。捕立標識。意尤叵測。現在既據

該使以查探前路斷難行走。堅欲即就興凱湖作記。畫押鈐印。與等疊次差探情形無異。只可照依辦理。

硃批知道了。

乙丑。

欽差大臣大學士湖廣總督官文。兩江總督曾國藩奏。竊據即選道曾國荃詳稱。本年四月十六日辰刻。有洋船一號。懸掛紅旗。船載約有二千餘石。至安慶城下停泊。次早始開赴下游。重載而來。輕載而去。旋據投誠賊供。城內米糧將盡。又無油鹽。昨因洋船來此。城內賊匪用金銀衣服首飾。與洋船買油鹽米糧。夜間用小船接遞入城。是以各館又有

米糧油鹽可喫等語。臺據逃出之賊供亦相同。由該道稟請查辦前來。查洋船駛入中國。原與內地各市鎮通商。永相和好。自無助賊之理。且喫啡兩國皆係海外大邦。素重信義。亦斷無與中原賊黨往來。暗通接濟。大約有漢奸附載輪船。并外國有置買內地船隻附載出口。難免奸商影射。從中貪利。若不嚴行禁絕。則安慶省城一日不能克復。皖楚一帶肅清無期。後患不可勝言。即各國商船貿易亦多不便。茅官文當即札飭委辦漢口通商事宜運司銜候補道張開霽。察訪去後。旋據稟覆。高據兩國領事官金執爾等。愈稱喫啡兩國商船到岸。不能中途私行買賣。安慶

停泊之船。其為奸徒假冒無疑。該領事等請嗣後有賊之處。遇商船停泊。即由中國查拏。盡法懲治。果係洋商。照約將貨物入官完辦等語。由該道稟覆前來。察其詞意。尚屬實情。惟懲辦於事後。不若禁止於事前。相應懇

天恩。飭下總理各國通商大臣。照會暎喃等國留京使臣。嚴查奸人附載輪船。貪利濟匪。凡洋船由安慶等地經過。不得停泊城下。禁止漢奸與城賊勾通接濟。此外他國有無商船往來。及上海等處。是否別有假冒洋商之奸匪。應如何一律嚴查禁止。亦請由暎喃等國使臣妥議辦理。庶於我軍勦賊事機。不至掣肘。而各國通商。亦得永敦和好。實於彼

此大局。均有裨益。

諭軍機大臣等。官文等奏。喫啼等國商船。經過長江。請嚴禁漢奸。附載輪船。貪利濟匪一摺。據奏四月十六日。有洋船一號。至安慶城下停泊。次早始開赴下游。輕載而去。旋據投誠賊供。城內米糧將盡。因洋船來此。城內賊匪向買油鹽米糧。用小船接遞入城。經官文等劄飭委員察訪。詢據兩國領事官金執爾等。僉稱喫啼兩國商船到岸。不能中途私行買賣。安慶停泊之船。其為奸徒假冒無疑。請嗣後有賊之處。遇商船停泊。即由中國查拏。盡法懲治。果係洋商。照約將貨物入官究辦等語。洋船駛入中國。原與內地各市鎮通商。以敦和好。斷無與賊匪往來。暗通

接濟之理。自係漢奸假冒影射。從中貪利。若不嚴行禁絕。無論安慶不能克復。皖楚肅清無期。卽後患不可勝言。著奕訢等。卽照會暎呷兩國留京公使。嚴查奸人附載輪船。貪利濟匪。凡洋船由安慶等地經過。不得停泊城下。禁止漢奸與城賊勾通接濟。其咪喇哩布魯斯兩國。亦應一體照會。此外他國有無商船往來。上海等處。是否別有假冒洋商之奸匪。應如何一律嚴查禁止。亦由該各國公使妥議辦理。庶於官軍勦賊機宜。不至掣肘。而各國亦可永敦和好。原摺著鈔給閱看。

庚辰。

欽命總理各國事務恭親王。大學士桂良。戶部左侍郎文祥奏。竊

臣等前因俄商改道走張家口後。仍欲將貨物運京。經瑞常等往見固理。再三駁斥。酌量改赴天津銷售。於四月二十六日具奏奉

硃批。依議辦理。欽此。嗣接該國來京公使巴里玉色克。在恰克圖所發照會。辯論京城貿易之事。內有汝曹爾等各語。詞意極為桀驁。臣等以該公使來京商辦事件。將次到京。故意作此虛憍之詞。巧為嘗試。不可不豫行杜絕。以防其漸。當派即補參領長善。前赴俄館。面見固理。責其不知禮義。有意傲慢。將照會擲還。固理即稱。係原來俄文。因翻譯官不諳文義。致有錯誤。即當改正送呈。並請婉為稟覆等語。次

日。固理遵即修改。送交長善。接閱後。見其詞意雖屬馴順。而未經蓋用巴里玉色克印據。真偽難憑。仍赴俄館送回。據固理聲稱。俟該公使到京。即行鈐印送上。旋於初一日。巴里玉色克到京。初三日。將改正照會鈐印送來。臣等詳加披閱。內稱和約第五款。由恰克圖照舊到京。特增照舊二字。准按舊章貿易。謂俄商常至京貿易販貨。並云。誠恐因小事而至大不相宜各等語。其狡執條約。虛詞恫喝。與前次固理所言。大畧相似。因思該公使狡執各情。非面與剖晰。終不能折服其心。嗣該公使復於十一日。來公所謁見。臣即指出和約第五條內。只有照舊到京。並無在京貿

易字樣。而巴里五色克。仍謂俄文有此二字。係指照康熙
雍正年間舊例。進京貿易。復經臣等曉以中國辦理事務。
應以漢文為憑。不應專以俄文為據。而巴里玉色克。總謂
伊格那提業幅。商定條約。俄文內既有進京貿易之語。不
便由伊中止。致令該國商人有所藉口。狡執甚堅。再三駁
辦。所執如故。幾於無可理喻。伏查八年條約。第三條內載。
別國再有沿海增添口岸。准俄國一律照辦之語。現天津
已准英、荷等國通商。則俄商亦應照辦。雖海道運貨。與陸
路微有區別。而當時並未分晰。設俄商由張家口。徑自起
津。係屬遵約而行。亦無詞可以攔阻。與其任令俄商進京。

貿易自不如今其赴津較勝一籌。但該公使執其成見。狡展萬分。雖臣等權其輕重。嗣後如肯赴津貿易。尚可權為允許。而該公使終無一語改易。臣等不得已。於談論間。謂俄商現赴津貿易。在商人只圖暢銷貨物。何論在京在津。該公使聲稱。現雖暫可赴津貿易。但三五年後。俄商情願赴京貿易。或中國賊匪淨盡。條約內既有進京貿易之文。自應照舊辦理。臣等復告以中國賊匪蕩平。俄商應否進京貿易。仍應由中國酌量辦理。非俄商所能自主。該公使即無言而退。臣等察巴使之意。似因伊格那提業幅原定之約。俄文實有到京貿易字樣。未便由巴使更改。故多方

投執。以為却過之地。臣等擬准其在津貿易。而在京一層。仍擬給與照會。言明將來由中國自行酌量辦理。至俄商到津。如何納稅章程。由臣等酌飭三口通商大臣。查照辦理。

硃批知道了。

恭親王等又奏。本月初一日。俄國駐京公使巴里玉色克到京。經臣等將該使攜帶人數。並到館安靖情形。附片具奏在案。旋於初四日。該國正使巴里玉色克。副使格凌喀。修士固理。並帶隨員柏林等五人。來公所謁見。臣等以該使初到。飭大宛二縣。備辦果筵。照暎唏公使初到時。一律

辦理。該使畧坐片時。隨即辭去。次日臣等赴俄館答拜。該使執禮甚恭。語言亦極馴順。

硃批知道了。

恭親王等又奏。前因俄國運送鳥槍一萬桿。經臣等酌擬挑選

圓明園健銳營外火器營三處兵丁各二十名。章京各二員。前赴恰克圖演習。歷經具奏。奉

旨允准在案。本月十一日。巴里五色克來公所謁見時。即呈遞說帖一紙。內稱鳥槍於秋杪。可全抵恰克圖。此外仍有領隊銅礮六尊。隨礮車積六分。火藥六個。每一礮應用之礮子

五十个炸礮五百件。隨機架二具。並稱需立局廠。宜於離京不遠。有河多水之處為妙。各等語。臣等伏查該國所送鳥槍。是否迅利。難以豫定。因於二月間奏明。如屬可用。留恰克圖數十桿。交前往兵丁演習。其餘由庫倫辦事大臣運至京城備用。原以與外國交涉事件。思慮不可不密。恐墮術中。茲據巴里玉色克所遞說帖。意在開礦設廠。並於近京地方辦理。臣等以開礦流弊滋多。萬難允准。當即拒絕。而近京地方。亦難以設廠辦理等語。惟有仍在恰克圖教演。該公使稱鳥槍易於損鏽。非於附京地方設廠。隨時修整。不出一年。恐不堪用。臣等伏查中國本無利俄國槍

礮之意。惟該國前既以此示其殷勤。未便拒絕。是以臣等
豫籌接收各事宜。處處杜其詭謀。該公使見計無可施。即
稱槍礮易於損銹。不出一年。恐不堪用。並恐中國購買英
國火藥。復以喚國乘急。居奇為詞。其言似見好中國。而其
心仍欲開礦。並近京地方設廠教演。流弊不可勝言。斷難
墮其奸計。惟有仍照臣等前奏辦理。即使該國所運槍礮
果不堪用。而防範既固。費用有限。亦不至貽笑遠人。但該
公使既有秋杪可全數抵恰克圖之語。即應知照管理
圓明園健銳營外火器營大臣。飭令前派出之兵丁章京。即
行起程。赴恰克圖演習。並剴知庫倫辦事大臣。遵照前奉

諭旨辦理。

硃批。知道了。

恭親王等又奏。本月十六日。據俄國巴里五色克呈遞照會三件。內一件。係俄國領事官在庫倫居住。因新建之房未竣工。借住公館。欲略為修理。而該處辦事大臣。不與該領事官商辦。請臣等轉飭庫倫辦事大臣。准其修理。以後遇有文移事件。務與該領事官商辦等因。臣等查庫倫公館。原為俄人往來暫住之所。今該領事官借住。儘可准其修補。惟不能踰越舊式。免致該國商人永遠借住。以示限制。至庫倫大臣。為邊疆大吏。必須崇其體制。方不致啟邊

人輕視之漸。故臣等覆該使照會。按照條約。詳為申辦。令該國領事官。遇事用申陳。如有商辦事件。當由庫倫大臣派三四品官員。與該領事官會商。庶足以資彈壓而重撫馭。又一件。言庫倫大臣不與該領事官寄信來京。臣等因其文義不甚明晰。未便與之深辯。但覆以行知庫倫大臣按約辦理。諒不能再有違約情事。隨派即補參領長善。往見固理。詳細詢明。並將庫倫修理公館。及領事官商辦體制。按臣等照覆大意。再為申明。旋據該公使照覆前來。均經遵辦。惟庫倫大臣不肯代寄書信一事。據固理面稱該國領事官。有信交該大臣附寄來京。該大臣因其另有書

信。不為代寄等話。臣等以此等小節。不必過為拘執。已經
行知庫倫辦事大臣。按約妥辦。以免別生事端。又一件。係
約定明年四月十三日。勘定西邊地界。臣等即覆以勘定
西界已奉

旨。派出烏里雅蘇台將軍明誼。塔爾巴哈台參贊大臣明緒。前往
酌定。既有定期。當行知該將軍等屆期會辦。

硃批。知道了。

甲申。

欽命總理各國事務恭親王。大學士桂良。戶部左侍郎文祥奏。竊

臣等准軍機大臣字寄。六月初八日奉

上諭。官文等奏。喫佛等國商船。經過長江。請嚴禁漢奸。附載輪船。貪利濟匪。一摺等因。欽此。臣等當未經奉到。

諭旨之前。於本月初一日。據喫國噶嚕斯照會內稱。乍浦失守後。甯波地方官。未能用心設防。查上海甯波。現皆喫緊。帶兵管餉之員。必須智勇兼全。及中正廉明。方能得當等因。前來。又據喊唆嗎來公所。見臣文祥面稱。甯波府現在危急。該地方官不為設備。僅欲雇外國兵船。代為防堵。勸百姓捐銀五十萬兩。以為雇船之用。且恐地方官借雇船為名。從中漁利。請臣等行知該省巡撫。速飭地方官設防等語。臣等當即乘機藉絡。告以此事實係汝等美意。然近日南

省兵民。每云賊匪特有洋船接濟。且責與槍礮軍火。以致蘇省等處不能克復。當如何辦理。喊使即云。接濟賊匪。例所應禁。如在上海。先用漢字及洋字出示曉諭。再派撥中國師船。由上海領事官。備一華洋合寫執照。交中國師船。待往乍浦稽查。遇有洋船通賊。即持執照攔阻。儻有不服。即行查拏。庶免接濟等語。臣等恐喊使一面之詞。無足憑信。因照依所言。照會噶使。擬俟照覆前來。即可據以照會。佛俄兩國公使。一律辦理。並擬行知軍務各省。凡有賊之區。均無不可照辦。乃噶使尚未照覆前來。復欽承

諭旨。正與臣等所辦相同。當復將安慶情形。補給各使照會一件。

令其照乍浦一同查辦。旋據佛俄兩公使照復前來。均已各遵辦理。惟英國噶使不即照復。先以九江領事官被擾。而中國不為查辦等語。照會臣等。蓋暗寓脅制之意。迨經臣等照復去後。該使始行認錯。仍牽及九江甯波之事。而於禁止接濟取具執照一節。又謂臣文祥誤會噶使之言。以掩飾其不立即照復之意。復經臣文祥面為駁詰。該使始將禁止接濟之事。照復前來。除九江一案另為聲明外。查該使所稱禁止接濟。則謂該國可以自為禁止。但能出示曉諭。即能約束。如中國再取憑據。亦可。是其自欲居功。不肯受人指揮之性。大都如是。然既有此照會。即可由江

蘇巡撫。辦一漢文告示。令該國領事官。或外國司稅之人。繙出洋字。合為一張。一面在上海先行出示。一面交軍營。派出師船。帶往安慶。乍浦等處攔阻。如果洋商能聽約束。固佳。否即由帶兵官查拏。諒不能因此事借端起釁。已由臣等行知官文。胡林翼。曾國藩。薛煥。都興阿等。派撥師船。由上海取具告示。於沿江各口。認真巡查。遇有接濟賊匪洋船。無論何國。均實力禁止。不得稍事遷就。仍飭飭總稅司務赫德。於鎮江一帶。分飭司稅之外國人。一體協力嚴查。以昭慎密。並行知薛煥。由上海照會英國公使。一律辦理。又函致崇綸等。與艾林波早為定約。以免將來遇有接

濟賊匪情弊。互相推諉。雖其果能杜絕與否。尚未可知。惟各該地方官。及統兵大臣。果能開誠布公。認真辦事。未始不可收其效順之助。臣等仍隨時設法牢籠。免致從中作祟。至甯波地方官。不設守具。及僱雇船為漁利等情。雖未必盡屬可信。或該使等與地方官有隙。借端傾軋。亦未可知。惟地方既已戒嚴。自當妥為防守。臣等仍一面行知王有齡。嚴飭該地方官認真設備。不得稍有疏懈。秉公覈實。勿少侵漁。庶不致為外國人口實。其禁止接濟照覆內。有各口喫商。負屈之處不一。地方官並未妥辦等語。未知係屬何事。仍俟其照會前來。再為辦理。

硃批知道了。

恭親王等又奏。臣等接據暎國照會內稱。該國九江領事官等。被勇欺凌。大夫哲美遜。亦被抗擾。貴國不即設法保全。非不能為。實不肯為等語。臣等查九江領事官。被勇滋擾。曾於二月間。咨行江西巡撫查辦。近據該撫覆稱。查明後。當將該處地方官叅處。其犯事之遊勇。已杖責枷示。俱各奏明在案。今照會所稱。領事被勇欺凌。自係未知前案已為查辦。至所稱大夫哲美遜各情。恐係另案。當將辦過各情。及哲美遜之事。再為咨查江西巡撫。照覆去後。旋據嚙使照覆內稱。此次照會。因前案業經妥辦。誠屬不知。并

申明非不能為。實不肯為一語。實係誤文誤結。尚有自知
認錯之意。並仍稱甯波官員。向民間派銀捐輸。並不設防
情形。與賊使面稱無異。並云防衛之事。其費不足三成之
數等語。臣等查此等事。為軍務所關。又與外國交涉。儻地
方官吏。不破除積習。力存體面。恐不足以致外國人之敬
服。而潛杜其交通賊匪之謀。現在賊勢雖屬蔓延。惟喊啞
嗎。吧。噠。噠等。歷言其不能成事。故肯睨而就我。果能認真
勒辦。則各國就撫之心。亦可愈久愈篤。否則賊難速滅。而
外國人日生輕視。難保不另啟事端。臣等雖於正摺內聲
明。將所稱各情。飛咨浙江巡撫王有齡。嚴飭甯波等處地

方官認真查辦。惟事關軍務。外省似此者。恐仍不少。應請飭下浙江巡撫。及海江通商各省大吏。嚴飭所屬一體懷遵。庶於勦撫大局。兩有裨益。

硃批。知道了。

江甯將軍都興阿奏。六月初五日。接據參將郭定猷稟稱。五月二十九日。都司李得祿等。正在開礮轟擊君山賊隊。忽有夷人乘坐沙關快船一隻。揚帆下駛。被我舢板師船追過君山鵝鼻嘴下。該夷棄船逃走。查點內有偽求天義陳坤書印憑一張。內開上海夷酋瑪士噶帶夥伴四名。採辦洋貨。於五月十七日。由福山進口等字樣。船内存衣物。

三十餘件。稟請嚴辦前來。等細查來稟。該夷船由黃田港駛出。正值我軍與賊接仗之際。一經飛檣追趕。該夷棄船逃走。其時君山賊匪。即出隊迎護。情節本屬可疑。況船內搜出賊匪偽照。有無勾結情事。均未可知。惟當內江通商伊始。該夷船上下絡繹。正宜隨時斟酌辦理。庶不致別滋事端。除批飭郭定猷。派弁將該夷船妥為看管。一面飛咨蘇撫薛煥。應如何妥為辦理。並飭嗣後夷商船隻經過。儘值我軍勦賊開仗。務須隨時統越。以杜勾結而免滋事。殊批。知道了。

謝軍機大臣等。奏新等奏接據暹國照會。及喊唆嗎稱。有甯波危

急。地方官向民間派銀雇船。並不設防之說。請飭查辦等語。又噶唆嗎面稱。甯波地方官。不為設備。僅欲雇外國兵船代為防堵。勸百姓捐銀五十萬兩。以為雇船之費。且恐地方官藉此從中漁利等情。乍浦失守。甯波戒嚴。該處尚屬完善。正宜早為設防。以杜賊匪窺伺。若不認真設備。徒行斂派捐輸。甚至從中漁利。何以使外國人敬服。著王有齡確切查明。嚴飭該地方官認真防守。不得稍有疏懈。其雇募外國兵船一節。是否屬實。並著嚴密查訪。儻有藉端侵蝕情弊。即行嚴參懲辦。江蘇。江西。湖北。通商各處。多逼近賊氛。恐似此弛備派捐者尚復不少。著曾

國藩。薛煥。毓科。官文。胡林翼。嚴飭地方文武。實力設防。不得徒事捐餉。致為外國人輕視。果能破除積習。力存體面。庶於勦撫大局。兩有裨益。又據都興阿奏。都司李德祿等。轟擊君山賊隊。忽有外國人乘坐沙關快船一隻下駛。師船追擊。即棄船逃走。船內搜出偽求天義陳坤書印憑一張。內開上海夷酋瑪士哆等採辦洋貨。由福山進口等字樣。有無勾結賊匪情事。已飛咨薛煥辦理等語。禁止洋船接濟賊匪。據恭親王奏。新等奏。已照會各國。並咨行官文等。派撥師船。由上海取具告示。於沿江各口認真巡查。遇有接濟賊匪洋船。無論何國。實力禁止。此次夷船入江採辦洋貨。竟有賊匪印憑。恐有接濟情事。著薛煥查明。

由黃田港駛出之船。究係何國船隻。妥為辦理。以免別滋事端。
閩浙總督慶端。福建巡撫瑞璜奏。等。接據布政使裕鐸
詳稱。准琉球國中山王世子尚泰咨開。嚙喃國夷船。駛來
琉球。併啼夷逗遛未回。案蒙轉詳奏咨。妥為查辦。感激無
涯。今該夷船隻。未見再來。而前有言未必不來。至啼夷
嚙喃。哈喇等。仍舊逗遛。於咸豐十年九月十三日。有喚
船一隻到來。接取嚙喃哈一名。即將啼夷。哈喇。勒留國。翼
日開洋而去。現今哈喇。勒與嚙喃。同居一室。未見回去。請
乞轉詳。分別查辦。一則勿再駛往。一則撥船接回。茲際進
貢八閩。備咨查照等情。由司轉詳前來。等。等查啼國雖將

嗎喃必一名接回。復派咱叻勳與畔喇同住。現尚逗遛琉球。既據該國王世子咨請藩司轉詳前來。自應照案准予查辦。除飛咨署理。

欽差大臣辦理各國通商事務江蘇巡撫臣薛煥查照。分別勸令荷國船隻。勿再駛往琉球。並令佛國將咱叻勳畔喇迅速接回。以敦和好。仍俟薛煥咨覆到日。再行飭司備移琉球國王世子知照。

硃批。著照所擬辦理。

七月戊子。烏里雅蘇台將軍明誼。塔爾巴哈台參贊大臣明緒奏。竊等明誼於三月二十一日。自烏里雅蘇台起程。

當將將軍印信。移交平瑞署理。恭摺具奏在案。欽遵。

前諭。明證務須先期前往。是以努加站邁行。於五月十二日。馳抵塔城。該俄國使臣尚未前來。努當與明緒會商。先將我國舊案地圖。一一檢查明白。即據派委員分途前往查勘。如舊案地圖。稍有疑似不清之處。照查更改。以便俟夷使到來。與之最對。議定界址。伊犁協領哈布齊賢。聞已起程。不日諒可趕到。努等因週查處所。約有千里之遙。恐哈布齊賢與努奏帶之邁春二人。不及迅速履勘。因酌添塔爾巴哈台管糧通判音登阿。印務章京慶海。駝馬章京薩勒哈春。著總屯遊擊守備。來營幫同前往。查照該國和約內載。

第二條所指之沙賓達巴哈。往西至齊桑淖爾。又往西南自特穆爾圖淖爾南。至浩罕邊界。按照舊存地圖。詳細復勘。查明覈定呈閱。俟該夷使到來。再與伊帶來之地圖。覈對會議。現在夷使尚無到來信息。其是否別有要挾情形。未敢懸擬。等語。惟有竭力盡心。妥籌會議。以冀仰副

聖主慎守邊疆。杜絕邊釁之至意。

諭軍機大臣等。明誼等奏。俄國使臣未到。先派委員查勘界址。改定地圖一摺。前據奕訢等奏。接准俄國照會。約定於咸豐十二年四月十二日。在塔爾巴哈台會商查辦西界。業經知照明誼等。屆期前往。著明誼等。即飭派出委員。按照地圖。詳細復勘。並

將舊案地圖。檢查明白。如有疑似不清之處。查照更改。一俟地圖改定。明誼即行回任。俟明年會辦屆期。再赴塔爾巴哈台。與明緒會同俄使查辦可也。

明誼等又奏。努明誼到城之日。本處貿易之匡蘇勒官。派兵隊十二名。官一員。郊迎三十里。引從到城。送入公館。隨又遣官前來。聲言該匡蘇勒官。因病未能親接。請定日親來請安。努吩咐令其於十五日來館接見。次日。又遣夷官送來魚酒糖果二十色。努因在差次。無物相酬。堅不肯受。使者往返數日。堅請收納。其意似以退還為恥。努視其禮物。不過酒食。不難酬還。遂即收受。十五日。伊如約前來。努

備辦酒菜一席。賓主讓坐。渠甚不安。加意謙謹。談及該欽使。渠尚不知所派何官。亦無到來信息。努因詢其此次會定交界。爾國自有地圖。渠云。將來欽使到時。自必攜來。現在我處存有草圖一張。可以送閱。散後。努又送去滿漢酒席二棹。品色極豐。藉以酬答。渠欣然領受。次日。即派遇春薩勒哈春往。圖將其地圖取來。當與明緒公同閱看。大概其意總在多占開齊。以為收復哈薩克之計。若任其私心所望。表廷甚廣。不能不費唇舌。俟其將來再與講論。如其通情勘定。不能不稍示包容。若無理侵欺。自不可漫無裁抑。惟有隨時奏請。

諭旨。竭力圖報。

硃批。知道了。

葉爾羌參贊大臣英麟。喀什噶爾辦事大臣奎英奏。竊前
接奉

諭旨。著英麟就近豫為籌畫。俄商在喀什噶爾貿易通商一切事
宜。屆時馳赴喀什噶爾。會同奎英。按照條約。妥為辦理。欽此。牙
英麟。遵即派委前任葉爾羌回務章京。即補佐領多仁布
年滿。部缺筆帖式。酌補各城章京。穆圖善。前往喀什噶爾。
將指給建蓋房屋。及牧放牲畜地基。先為查辦。已於四月

初三日。奏

聞在案。該章京等行抵喀什噶爾。鄂奎英飭將地基踴躍擇定局。復派委喀什噶爾員弁。會同該章京等前往周歷履勘。旋據報稱。勘得漢城北門外。接連回城大路適中之奇里河。迤南有曠地一塊。週圍量計三百六十丈。南距漢城十三里。北距回城七里。俟俄商到日。以便指給建蓋貿易房屋。至畜牧之區。亦在蓋造房屋地基之西。相距五里許。有草灘一段。週圍有三十里。並有水泉數道。足資畜牧等情。並繪圖呈閱前來。其一切應行事宜。鄂等現已往返函商。豫為籌畫。惟俄商貨物行走。定何卡倫之處。鄂奎英覆思喀什噶爾卡倫數處。各有一路。該俄商現無進卡信息。臨時由

何卡倫行走。均難豫定。查伊犁現有俄商貿易。擬函致將軍。就近傳詢該國商人。貨物來往喀什噶爾。由何路何卡行走。示遵。以便妥為料理。商諸努英。已函致伊犁將軍。轉詢訖。再幫辦大臣武隆額。已由塔爾巴哈台起程。約計六月內可以到任。如探有俄商進卡信息。努英。亦可分身。馳赴喀什噶爾。同努奎英和衷商酌。務當因地因時。按照條約。相機變通。籌畫妥辦。並將委員查明指給俄商蓋造房屋及芻牧地基。繪圖粘發。恭呈

御覽。

硃批。知道了。圖留覽。

乙未。

欽命總理各國事務恭親王。大學士桂良。戶部左侍郎文祥奏。竊
臣衙門即補參領長善於六月二十七日早間。路經西單
牌樓。見有佛國偽示。遊人聚觀甚衆。因就近到衙廳。會同
地面官揭下面呈。臣等接閱之下。不勝駭異。其詞句狂悖。
尤為可惡。臣等當即行步軍統領衙門。轉飭各旗地面官。
密行查拏懲辦。佛國噶喇早已出京。而偽示尚稱萬姓。其
非佛國張貼。為奸民偽託。已可概見。惟恐中國遊民。習天
主教者。恃庇妄為。即派即補參領長善。即補主事成林。往
佛國公館面詢。據佛國公使聲稱。該國斷無此事。如係中

國人無論是否習教。應由中國一體嚴拏懲辦。萬不致少有祖庇。臣等猶恐口說無憑。隨照會該使。令其照覆前來。以憑裁辦。旋據該使照覆內稱。係地方官應辦之事。且以臣等給與照會。似有未能深信該國之意。是其遇事倔强。不肯受人指揮。習慣成性。惟照會未。則稱拏辦作偽之人。以明和好之心。甚為欣悅感謝等語。該使既有此言。將來拏獲人犯。諒不至別生枝節。又據戶部咨稱。外國人持官號錢票到鋪。勒取現錢。盈千累萬。任意會制等因前來。臣等詢係俄國之人居多。又派長善往俄國公館告俄使。該使亦稱並無其事。即使該館持票取換現錢。亦不出京錢。

一二百吊之外。長善因與該使商量。設法索取憑據。該使即鈐蓋洋印四紙。交長善轉給官號收存。為該國人取錢符合之據。並云如無此印。或任意多索。均可先將跟隨之內地人。立即拏辦。一面知照該館。必將該館之人。喚回懲辦。臣等又恐嘆唏兩國未能一律辦理。仍有弊端。因派員告知兩國公使。據稱亦無其事。現亦擬與之高定辦法。以杜假冒之弊。伏思

京師官號錢鋪。自五月初旬以來。銀價日昂。錢票日賤。人情惶恐。爭持票紙赴官號取錢。每鋪取錢之人。已至千百成羣。乃當此民情疑惑之時。竟有奸民假託外國名號。私貼

偽示。冀以遂其私計。儻不速為辦理。恐匪徒假冒。弊端百出。民情愈為震心。現雖與各國設法嚴防。而人心搖惑。不可不力為嚴懲。旋據右翼翼長烏勒興阿稟稱。已將粘貼偽示之人訪獲。呈送步軍統領衙門在案。自應由該衙門訊明具奏。惟私貼偽示情事。臣等恐傳至熱河。上駭

聖聽。是以據實具奏。以慰

廑懷。

硃批。知道了。

丙申。庫倫辦事大臣色克通額。幫辦大臣多爾濟那木凱奏。俄國使臣巴里玉色克。由恰克圖起程。馳驛行走二日。

於十三日行抵庫倫。等即派印房華帖式塔克什布。蒙古台吉華帖式瑪克蘇爾扎普等。前往照看。該使臣巴里玉色克聲稱。兩國業已和好。應與大臣等會面。並大臣等回見等語。等以伊如果前來相見。亦必以和好之誼回看等語。回覆去後。巴里玉色克即約於十四日申刻。赴公署會面。等等於十四日申刻前往。正欲會面。乃巴里玉色克已遁。申初初刻。並言伊有整頓事件。停止與大臣等會面。等查巴里玉色克形狀支離。顯係意存嘗試。且云。等並無與伊會面公務。不必前來等語。嗣巴里玉色克於十五日未刻。自庫倫起程。馳驛赴京。等查俄臣巴里玉

色克業經自食其言。實屬性情靡定。誠恐伊到京後。難保不任意妄行嘗試。謹先據實奏聞。又風聞俄臣巴里玉色克。隨從人等內。有似婦女者二名。如果屬實。應不准其進京。泰伊等皆作男子裝束。礙難詳查。至庫倫南北兩路二十五站。經前任辦事大臣奏明。特為接遞摺匣夾板緊要差務而設。近來俄人往來不絕。由驛馳行。不論歲時豐歉。官兵皆乘坐車輛。攜帶行李。每次用牲畜一二百頭。車十餘輛。大抵晝夜過行。每日可行五六站。及到庫倫又住宿二日。實屬徒勞夫力。等語。愚昧之見。伊等事件。如果緊要。又何能無故住宿二日。是俄人不知驛丁勞苦。再俄國送

文人役。每次行走。皆稱緊急要務。任意藉口趕緊馳行。顯係貽累我國驛力。誠如

聖諭。俄囉斯之性。亦不可靠。等語。相應請

旨飭下總理各國事務衙門。嗣後俄國官員。如有馳驛行走。可否令其一日行走三站。以節驛力之處。知照俄國大臣伊格那提業。幅抑或飭令伊臣巴里玉色克。行文該國。以免騷擾下人。

諭軍機大臣等。色克通額等奏。俄人往來。每日行五六站。驛丁疲乏。恐有貽誤。應日行三站。以紓烏拉之力。又寄京公文信函。漸見加增。應按照和約每月一次。請飭總理衙門。行知該國各等

語。俄使往來行走。均須驛丁支應。若每日行五六站之遠。則丁力疲乏。必致貽誤。恐天和好之道。既據色克通額等奏稱。應日行三站。以紓烏拉之力。即著奕訢等行知。俄國使臣伊格那提業幅。或飭諭巴里玉色克。行文該國。以此後俄使往來。至速亦須日行三站。丁力方能支應。儻必欲每日行五六站。轉恐貽誤。有失和好。至該國由恰克圖。寄京公文信件。和約內載明。每月一次。茲據色克通額等奏。自本年正月至五月。該國寄京公文書信等。已有十餘次之多。似此逐漸加增。伊於胡底。並著奕訢等。行文伊格那提業幅。嗣後寄京公文信函。務須按照條約。每月一次。不得加增。以敦和好。原摺着鈔給閱看。

籌辦夷務始末卷之八十